



Зоя Семендуева



МОЗОЛЛУЕ
ДУХДЕРДОГЪИ

МАХАЧКАЛА · 1971





Зоя Семендуева

МОЗОЛЛУЬЕ
**ДУХДЕР**
ДОГЪИ

СТИХИГО

Дагестанское
книжное издательство
Махачкала · 1971

C (TaT)
C 30

Художник
В. ЛОГАЧЕВ

7—4—3
71



ДОГЬИСТУ

Э гүүзет 50 сали Догъисту

Пенжогъ сал гүфдиге бегъеме гүймуьри.
Пенжогъ сал бегем гыисд нишоней өн пири?
Республик Догъисту азади винири.
И мигийд жовони гыисд эн тувь, Догъисту.

Пенжогъ сал пушоте жофокеш э догъгъю
Эри руз азади дарафдет ө гъовхо.
Имогой у бири сэхлий мульк ве богъгъю.
Никире винирет хэлгъгъой тувь, Догъисту.

Четине салгъореш тоб дорет догълувьго.
Э зир мурсы дебирут увэхди езугъьго.
Гуж сохдёт э хэлгъьго хунхуре бег-хонгъо,
Гъемиге бизетиш мидорут, Догъисту.

Бульзурге вождь Ленин гъеммере вэхизунд.
Э имуш — догълувьго у бебе рэхь бурмунд.
ШэгИмелей октябрь дульгьоре дегесунд
Э гъовхо вэхувшдуыт хэлгъьй тувь, Догъисту.

Уллубий ве Махач — ферзендгъой партия.
Э гъовхо мибердуыт догълувьгъой имуре.
Овурдет үазади, э и рэхь жун норе.
ТэгИрифи ватани игидгъой Догъисту.

Четине рузгьорс шушде берд тэгьеर сайл.
Догъгъойму имогъой геймишүйт чуын васал.
Генедеш кумеги Ленин до не ватан
Хушбэхд бу гуфдирс хэлгъьгъой тувь, Догъисту.

Пенжогъ сал догълувьго шовглоре сэхд дошдёт.
Заводгъо, хунегъо э гъерло вокурдёт.
Эдайме зигьисде э тэгьеर ө кифлст.
Эекя бирорут хэлгъгъойму, Догъисту.

Бигъил бу сал-бесал республик деш жован.
Эз богъгъо-богъчего биёвгу буй рейхъон.
Угъюют гъеммешуш ярашувьгъ эн инсон.
Э тэгьеер гульлувь богъ мибоши, Догъисту.

О, ВАТАН МЕ!

О, Ватан ме! Эри ме гу
Эйчуй түре дүүл хосдеге?
Сур нисдиге өй ме воку,
Чултам э дүүл гуурдай жиге?

Белкем буылбуыл руз эн васал,
Хэненуйме э дор вери,
Хундиге у эри ватан
Мугъомлууье раче мэгіни.

Белкем э ён эн гуфере,
Э хундеки дедей ненуй,
Эри бала у гуфдире:
Туль эй ватан веро хушбуй.

Белкем бебе, оз гъул гуурде,
Гердундеки э сейл мере,
Гъер тарафе у бурмунде
Ве ватане хогъ гуфдире.

Эзуними, гІэзиз ватан
Ве э дуьлиш мухъкем нуышди?
Эри эвлод, сэхд гъэдуурдан,
У эз гъер чиш зиёд гъисди.



МЭГІЛУЙМСҮЗЕ СОЛДАТ

Дегешдей түй сессуъз,
пичирей түй э хок.
Түй бири жовон девр,
түй бири софе пок.
Белкем түй гысдиге
эз дөгъгой эн иму,
Ененге эз Сибирь,
эз Ташкент, эз Баку.

Эз чуъжош гысдиге — гәзиже балан,
Эй хори эн Ватан и гъөвре яран.
Туыре бу е войге: Ватанс дошдени,
Э хори эн Ватан
гүллүль богъ кошдени.
Гүллүль богъ, гүллүль богъ...
Ниетгъой жовони.

Имугъой хунчай гүл э нижо венори.
У ницд бәхш эн демор
э руз эн гәруьси,
У гысд гъэрд эн дусдгъо
эй иgid-гәэзи.
Дегешдей түй сессуъз,
пичирей түй э хок.
Түй бири жовон девр,
түй бири софе пок.

ГІЭЗИЗЕ ПАРТИЯ

Мильонгъо вегуьрдуть ерэгъэ,
Рэхъбери тув сохди жэнг хэлгъэ.
Байдогъиш дорембу биренгъэ
Э дес тув, гІэзизе партия.

Мильон дуыл дегесунд шэгімелэ,
У элов Октябрь бу келе,
У муинди эй хэлгъын нишоне.
Чувьи жоборд, гІэзизе партия.

Э у женг бебегъо овурдет
Хушбэхди, дуылшори э кифлет
Бирорут э иму гъер милет
Нигегъдор, гІэзизе партия.

Руз-беруз ободи овурде,
Коммунизм эдайме вокурде.
Имидлүү пушово тув берде,
Товуш хэлгъ, гІэзизе партия.

ГЭЭЗИЗЕ ХОРИ МЕ

Хорире — ме ватан хунденуъм.
Хорире, чуын деде, хосденуъм.
Хорире сохденим рач геймиш,
Э тегъер эн гэруүс бэзетмиш.

Хорини эриму берекет.
Хорини шогъид девр ве муъгъбет.
Имуре у хъесуъл овурди.
Хъисобсуъз инсонгъюш сүльперди.

О, хори, гъувот түү зурбои.
О, хори, гъумуър түү омбори.
Хосденуъм ек бошим э гъувот.
Гъумуъриш дураз бу эн эвлод.

Ингъилуут э гүйлом бу беди,
Инсонгъю, хоюгъю ободи,
Яралуу бу хори эз бомбгъю,
Пуч бошут шегъергъю ве хэлгъю.

АСТАРАЙ МЕ

Э ёр мени, э гэили,
Келетгэо мигуфдируйт:
Э ю хумне, э одоми,
Астарегтой асму исрүйт.

Э у гоффьо сохде бовор,
Астарепок бире шевгьо,
Мигешдуым ме уре омбор,
Астарей ме нисд э гьово.

Оммо мохурд шев-руз э ме
Е астаре э руй хори,
Товуш мидо, тэгъер чульшме.
Эри гьемме у мозоли.

Э жеш мере гъисмет бердгэ,
Э коми күнж эн вилеет,
Астарей ме эз Кремля
Мидуь мере эшгъ ве мульгъбет.

КЕЛЕ РЭХЬ

1 домире ээ гъэд виш
Э келе рэхь жилгъэ берде.
Рэхьсууз бугъо тэхьно гъуше
Э мескентъо суру берде.

Белкем жилгъэ гыисд пичире
Ве эри түү у четини?
Нидуут гульеш хъозур чире.
Гуль түрреш түү миё чини.

Келе рэхь гыисд зиндегуни
Ве биёвгъой иисоньети.
Гилм хундай овурдени
Э ишувьгъэ руз хушбэхди.

ВОЙГЕЙ ДУЫЛ

Войгегъо, войгегъо,
ишмунит хыссобсуъа:
Хосденуъм асмуре
 ме винуъм думонсуъз,
Чуышмерә ве менге
 зеки бахъс гүрдэ,
Гүйломе оводу
 з гъер ло вокурдэ.
Э пушой деръёгъо
 белкем ме дуъгъ гловуъм.
Э тегъер е чуыkle
 астарей асмунуъм,
Э гъэриш эл гүйлом
 мереш гыисд войгей дуыл:
Хосденуъм омборте
 веровгу гъуъзуъргуъл.

Э Вьетнам ве э Йемен
Динж нис гышде хэлгъэ
дүвшмен.

Эри девлет, сурх векенде
Эдет э хэлгъ зулум сохде.

Гирошигеш бисд сал зиёд,
Эз ёр нирав мульгууль-од:
Хэребен ве миллион леш.
Дөвчинойм довгло генеш.

Бегем лепуур эну гэтош
Э дуль иму бири ёвош?
Бегем эз ёр, деде, хэгъер
Фурмуш бирет жук ве шувье?

Имугийле бомбъо рихде,
Э Вьетнам хори сухде.
Эдет сухде деде, гэйл.
Тэхсиркорут дүвшмен, хотын

Дуль екире, дуль бироргъо.
Эдет кувшде эй гэшнэгъо.
Гэрэб ве негр бегем ёдуулт?
Угьюш иисон ве бирорут.

Номусгерө дедс, хэгъер!
Бошим еклүүг ве сэхлийн дэвр.
Эй не бире э гэльлом жечиг,
Дүвшменгъоре зуте дим мерг.

НИС ВОИСДЕ МЕРЕ ДИЕ

Н ис воисде мере дие
Товуше руз думонлувь бу,
Дедегьоре гъэмлувь дире
Ве э гІулом жевгъ оффону,

Нис воисде мере дие
Хори, асму гІэтош гуьруль,
Мульгъетлувьгъо журо бире,
Бошут угъо дердлувь, гъэмлувь.

Нис воисде мере дие
Г'эиллегъо еаугъ бошут,
Гуьрде вэгідо нум беберө,
Хъэрот бире, ох вокошут.

Нис воисде мере дие
Жовангъойму фурмуши сохут:
Энжэгъ дусди, еклульгире
Беде дульшмеш хуьрд нисохут.

УЧИТЕЛЬ

Дедей мере ээ гъул гуурде,
Берде у но эри хунде.
Имуш бирим руе вози,
Шоримушки — гъэдерсуззи.

Учителиш деш эшгъ мидо,
Гъемише бу шоре ловгъо.
Гъемме михосд гІэзиз уре,
Хуб мивомухд нубогъоре.

Е руз сергъуз у диromo,
Э гъеммейму хуб чум доно,
У э хувьшде омбор домунд
Гүйге дуыл юш бу лап гуурнд.

У виёди гоф не гуфди,
Хуб э ёр ме измуш мунди.
«ДовгІо, довгІо! — гуфди
бирден.—
Дес кешири беде дульшмен...

Гъеммееки мундим мэхътэл,
Чум доноirim э учитель.
Гене гуфди у ёз иму:
«Мидорим Ватане эйшму».

Гирошд чор сал хуни ве гІэрс,
Хилос бисдо хэлгъгъо ээ лерз.

**Игидгъойму руе хуне
Богошденуыт дусдгъо гене.**

**Учителе гЭиллегьо
Миовурдут э ёр гъер бо.
Имугъоиш чигърет эну
Оморени э пушойму.**

**Имугъойле бирэм деде,
Балай меш гъисд эри хунде.
Нис воисде эри дире
Учителе сергъуз бире.**

ШЕГЬЕР ЛЕНИН

Шегъер Ленин — шегъер игид,
Э женгъой түү хэлгъ бу имид.
Велг торихо ченд вешенди,
Унжо пурин гынорменди.

Оз ёр хэлгъяа гыч вэхд нираав,
Нууцимуун руз мөгь эн январь.
Сес «Авроре»¹ биедо эйму
О жанг Октябрь нишонбурму.

Келе довгийн эн Ватани,
Э пушой чум гыисди гыони.
Эз буй барут женгъой гыовхо
Гыелеш темиз нисди гыово.

Гүйге тозе бине нори,
Раче шегъер веромори.
Уш гыисд жофой игидэ хэлгъ,
Цэлэм Ленин доре рыч шевгъ.

ТЭГИРИФИ ДЕВР

Рэхъ вокурдет э эвр гъово,
Жевлон зере рузгъо-шевгъо.
Астараагъой ковре асму,
Тегъер гъунши бирет изму.

Гъэнетсуулье гъуш пулати,
Жофой желде хэлгъ Совети,
Э эл гъульом нишон бурмунд
Ве э космос рэхъэ вокурд.

Гээл ве пир, гъозор милет,
Гъемме хэлгъго тэгИриф дорет
Кук партией эн Ленине,
Иgid хэлгъи — Гагарине.

Космонавтгъо — тэгИрифи девр,
Иgidгъойму меравт зевер.
Миёв у руз э Венера,
Инсон мерав э угІэрэ.

Э СЕР ГЬОВРЕГЬОЙ ПИСКАРЕВ Э ЛЕНИНГРАД

3

инжо поисди дердименд е деде
Ве эри ферзенгъю эдее гириске.
Парталгъю вокурди гъеммере сиегьи
Меш уре диремунд сохденуым гІэрс тигьи.

Гуйге у гуьрд сохди дерд ве гъэм хэлгъюре,
Э гъэд дуyl эн хувьше донори угъоре.
Э жигей гъэмлүье дедегъю э дуньёгь,
Ес гуьрде согъ гуьмуыр, сохдени у гирьё.

Гъоврегьош э инжо гъэдерсуыс омборуыт.
Э жигей эн воруш гІэрс эз чум рихденуыт.
Э тэгьеr палутдор, у деде мульхкеми.
Дердгъоре гъеммере э гъечи тоб дори.

О дедей! Омбore гъэзобгъю туть дирей.
Четине рузгюреш кем эз сер не сохдей.
Яралуыш туть бирей, хун туьре рихунде.
Увэхди ниофди лугъэй нун эй хурде.

Э инжо гъоврегьо диренуым ченд жергэ.
Мигуиге гъеммешу офордorет эз ергэ.
О дедей! Овлодгъю сессуызульт игІэрэ.
Туьш гирьё сохдени, сэхд гуьрде лэгІэрэ.

Шиновит, шиновит инсонгъой эн дуньёгь!
Хун рихди э инжо э тэгьеr эн дергэй.

Э салгъой блокада э шегъер эн Ленин
Жоборди бурмунд хэлгъ, бугеш лап хьол четин.

Омборе салгъошки эз увэхд гирошдет.
Гъоврэгъой Пискарев едигор вэхд мундет.
Ки инжо омогеш э тегъер эн деде,
Тоб нидуь дуыл эну гэрсгъой чум не рихде.

Гъер дуыгъ гэрс дедегъо бигыил бу чүн иештэр.
Эри эн довгюхогъ ве дуышмен эни девр.
Дө элов эн довгю луып зере не суху,
Тэхсирсууз жовангъю, эй бишэгир чувь соху?

ИНСОНГЬО!

Зигьисденим, бейхэбер вэхд гирошде,
Метлебгъоре пэхьни э дуль сэхд дошде.
Оммо ульум кей омогеш гъэришу,
У рэхьмедуyl эри екиш нибошу.

Энжэгъ увэхд дуль эн гъемме сухдени,
Кейки бивэхд хун жовонгъо риходени,
Кейки Гэил э гъэл деде хэндусде,
Песде гъердуу эз бомб душме беисде.

Гульмуур инсон дураз нислгеш зиёдтэ,
Эйчуй ульум шев-руз уре терсунлэ?
Чуьтам гъони сокит мибу дуль дедэ?
Донгохогъиш хувшдению гъисд бенде.

Ме, чуын деде, эдем хосде, инсонгъо,
Тэмиз бугу эвр эн хори ве гъово.
Эжигей туп ве виз нолей косодгъо,
Шиновим сесс хүше овоз мэгнингъо.

Э МОВЗОЛЕЙ ЛЕНИН

Мижей чум пур мибисдо гээрс.
Ве жендекиши мофдо э лерз,
Диремунде леш жоборде,
Тегьеर хисире, динж дегешде.

Форигъети у недири,
Чуынки рэхъбер келе деври.
Эзуни вождь нисе мурдэ,
Бесгъунире эй хэлгъ куфде.

Гүйге э кин несигэтдор
Оморенуыт хэлгъэгэ омбор,
Эй вегуурде меслэхъэти,
Гъовхобергъой эн азади.

Эй ме гъечи оморени
Гүйге хэбер бире гъони
Ве мигую у ээ иму:
«Хушбэхд бошит диеш изму.»

...Эз зеверсер эн Мовзолей,
Гүйге жесде э ворилей,
Лой-лум эдэй хурде чуышме,
Уш чуын иму дуульшор гешде.

ДЕВР МЕ

И шму, девргъо, ченд гирошдэйт,
Эри хэлгъгьо дерд-гъэм гьишдэйт.
Оммо девр ме эзу девргъо
ТефигІэтлувь гъисди зурбо.

Чульники и девр Октябри,
Девр азади, гъовхобери.
Э женг деруыт, гЭэреб, инлус..
Эй азади э имбууруз.

Тегьеер васал — хушбэхдини,
Эй глер милет мирод уни.
Ние рихувь гЭрс инсонгъо,
Шори хосде гъемме хэлгъгьо.

О, инсонгъой келе девр ме,
Мульхькем дорим шолумире.
Нерихувь хун, небу беди,
Бошим гъэлхэнд эй хушбэхди.



ЭРИ ДЕРБЕНД

Эри туль хунденуым мэгИнре,
ТэгИрифи доренуым дусдире.
Туль гыисди, чуын шегъер, гъэдим
Эри ме чуын Ватан гЭили.

Э тегъер эн сенгъгъой садсали,
Тоб дори хэлгъ зурбо четини.
Могъбули ве гЭзоб бу гъисмет,
Нике руз, товуши бу ниет.

Ненжогъ сал зиёди азадим,
Хубе руз эдее диреним.
Пушоте туль бири шегъер дерд,
Имугъой гуыллувь бөгъ гыисд Дербенл.

Кучегъо геймашшут, чуын синбогъ,
Эвир ю темизи, чуын сйлогъ.
Х: личъююш эеки бирорут,
Гъемиге мозолмэнд, дуышорут.

Эри туль хунденуым мэгИнре,
ТэгИрифи доренуым дусдире.
Туль гыисди, чуын шегъер, гъэдими,
Эри ме чуын Ватан гЭили.

ИМУРЕ ВОИСДЕНИ ШОЛУМИ

Ини метлеб эн хэлгъ иму —
Бугу э гүйлом шолуми.
Ниет хэёл эн дуылгьойму
Гыисди шори ве хувроми.

Ини метлеб эн хэлгъ иму —
Азад ве шор зигъуыт хэлгъяо
Э гээзизе ватан иму,
Яравуыш дуыт раче богъяо.

Ини метлеб эн хэлль иму —
Мозол,ники овурдсан.
Уни гене метлеб иму
Коммунизма вокурдсан.

КОМУНЕ

Думон асму кура бире,
Рихунд сайлов воруш юре.
Песде хьофранг, тегъер куърпи,
Комуне рач бисдо веди.

Мере воисд верам, гешдуым,
Эз ранггю ю хэлгъэ бэхш дувьм.
Ве гъемиге, тегъер комун,
Очугъ бугу дервозейму.

ХЭГҮЕР

3 чодур пичире,
мигуурди туль ешмэгъ,
Сифетиш пэхьни бу,
веди бу чум энжэгъ.
Муыгъбет дуыл духдери,
э гьеучу бу пэхьни,
Э гээрэй инсонгъо —
инсон иисд зен еглини.
Дохьоргъо ве догъгъо
чутам лол бируйтгэ.
Зэнгьош ки ужире
энжэгъ бэхд диретгэ,
Палааше гээрс зэнгьо
лур мисохд чойгьоре,
Пэхьники мигешдүйт
эй дердгъо чорере.
Чутаме луыл иму
несоху шоририе?
эшгъ небу,
эй хунде шогьирие?
Э гъериш син-богъи
гүзеле улкейму,
Э тегье буылдуурчин,
хунденуым ме изму.
Ни бесдүйт, ни духут
де лэгээй шогьирие.
Пэхьники ни дуьздүйт
духдергъой догъирие.

Бегем гыч мульгъбете
дульздире мидануьт?
Мульгъбете эз гъэд дульл
векенде мидануьт.
Имугъой, жон хэгъер,
сожденуьм ме шори.
Туль гыисди ударник,
ме гыисдуьм зен — шогъир.
Имуре войгеи,
у войге мисед пэхъни:
Хушбэхде рузгъойму
пур бугу сес мэглии.

ИГИДГЬОЙ ЖОФО

Гаганова нишон бурмунд,
Рафде э пес мунде десде.
Бугеш коргъой десде гурунд,
Сер гуьрд уреш пушо берде.

Гынор эни зен совети,
Венгесд э дуyl миллионгъо эшгъ,
Эн тозе девр у чигърети.
Э биёвгъо дорени шевгъ.

Изму э гъер куынж эн улке
Миофи түр уре хуно.
Поисденуыт э е жерге
Желде кукгъо ве духдергъо.

Кумег бире дуль зеки,
Угъо берде коре пушо,
Эй энугъо гъонун-ники
Гыисди гъони игид жофо.

Э Догъистуш е ченд садгъо,
Тегъер желде Гаганова:
Авар, лезги, даргин, татгъо,
Кор сохденуыт тозе жире.

Войгей иму гыисд шолуми,
Шортэ рузгъо овурдеи,
Войгей иму гене уни:
Девр коммунизм вокурдеи.

ЖОБОРДЕ ЗЕН

Э фабрика ме е ченд бо
Дирэм э кор жоборд зурбо,
Жөлде жофой духдер догъи
Эри гъемме гъисд синогъи.

Коре сохде зури ве соф,
Лап сэгъэти эри эн гоф.
Оммо дуylшор, хъзвескори,
Хъовиргьоре эшгъ дорени.

Муъхшуълире эри хуъшде
У э мэгІон жофо гешде.
Войгей эну гъони гъисди
Эй бире желд коммунисти.

Э четине жигей эн кор,
Е гъисдиге песь мундегор,
Унжо рафде э кумеги,
Игид жофо, духдер тати.

Эри эну шогъир хуыде,
Раче мэгІни хунчे гуърде.
Васал, поиз, тегъер эн гуъл,
Ватаане у рачи мидуъ.

ГЭТЛУЙ ДЕВР ИМУ

Эри Лида Шумякина.

З догъгьойму небу гэдот,
Зенгьо эз мерд жоборд бошут,
Вожей гэсбе, тегьеर гэтлув,
Э дес гуурде, зонгу зепуыт.

Мисохдут гэйб ве биёбур:
«Зен эз майду биё бу дур».
Э кул гэсб нэгI, э кул эн хэр
Гэрүүс беднум могошд, хэгьеर.

Имугьойле диренуым ме,
Зенгьо азад бирет глемме.
Гэсб шулати ве гүүш гъово,
Э дес зенгьо деруут угъю.

Эдэй жесде, эдэй жесде,
Тегьеर эн гүүш зу наруүсде,
Пура машин, гүйге пари,
Эдэй берде юк э дури.

Надуушменде дес эн зенгьо,
Руль машине мухъякем гуурде,
Коммунизма эй вокурде,
Гъер жире юк эдэй берде.

БИРЕНУҮТ БЕБЕГЬО

1

В эхд довгю бу, гъизгъин эн женг.
Шев торик бу, небебу менг.
Миомо сес ноле ве виз,
Пэтош эн туп миkeyши риз.
Гуурдэц э бенд чор эйлонме,
Имурс берд есир дульшме.
Зэхм эн яра мидо сэхд дорд,
Дульшмен сурул, тэгьеэр жоллод,
Сохдембу гуж э есиргьо,
Десдэй «эсэс» эн немцигьо.
Кумег бирс дуль эеки,
Е ченд милет: урус лезги...
Меш ки бирым тэхьно е тат,
Бироргьойме бирыт ченд сад.
Бисдорим гуурд десдэ-десде,
Вирихденим иму песде.
Ченд улкегьой Европаре
Гешдэйм иму, чуын оворе.
Гогь э Франц, гогь э Дани
Сохдэйм иму партизани.
Мибердим женг желд-боребор,
Бирим эйшу тэгьеэр бирор.
Эй гъемме бу дульшме еки:
Фашист-хунхур, жинс эн сеги.
Оммо э дуыл Ватан дебу,
Бирим омбор хъэрсерт эну.
Берасд довгю. Асму вокурд.

Ферзенгьоре Ватан вохурд.
Динже жохо ве ободи
Эри иму сэхд мироди.

2

Шохьонгум бу. Куфдут дере.
Вокурденуым дер хунере,
Э домой дер е пире мерд
Сергъуз, Пожиз, сэхьиб сад дерд,
Чувькле шелей туморен
Э дес эни езугъ дери,
Фамилере ве нум мерс,
Чуьтам гъисди гуфди э ме.
Мэхътел мундум: ки миё бу,
Гъечи мере хуб шиноху?!

Теклиф сохдум ме э хуне,
Сифет мерд до бегъем гуне.
Э фикир ме гешд чеид хэёл,
Дуыл инсони гоф сохде лол:
«Си сал пушо дедейму муьрд,
Бебейму зен тозе вегуьрд.
Ме увэхди бируым гъеле
Пенж-шеш сале, лап чувьклеле.
Зенбебейму, тегъер уге,
Мере никосд эйчуль буге.
Микуфд, микувшд, мивоно гуж.
Бебеймуш бу бегъеме пуч.
Михурд, мигешд лап гъэдерсуъз,
Нимунд е руз гъич ичкусуъз.
Гъэгър энуре эз ме никосд,
Э пэхъники у чуш мисохд.

И гужьоре тоб недоре,
Гуфдиренуын эри бебе.
Хотур эн зен эй немунде,
Бебеш эз гъул мере гуурде,
Сургум сохде селт эз хуне
Берде до э етимхоне.
Суффде шэжь зе дуыл ме унжо.
Бегем бебе небу бижо?
Мегъью, салгъю мигирошдгеш,
Ниоморут гъич е гилеш.
Чультам есир э гъериби.
Хъэрот Ватан сэхд бирени.
Гъечу хъэрот бебе бирэм,
Руй энуре гъич недирэм.
Бебелуье етим бирэм,
Е руз бегъем ме недирэм.
Етимхоне, етимхоне...
Инжо бири эй ме хуне,
Инжо офтрем бебе-деде,
Ватан бири эйме гъемме.
Бегем э ме лоигъини
Э у сохум ме хогъини?
Бирэмгеш ме эз Ватан дур,
Дошлем номус ве гъем обур»

3

...И фикиргъю э дуыл дери,
И мердиш чум сэхд донори.
Дуль одоми гъэргъэ хуне,
Дерим иму э и хуне.
Нүшунденуын ме и мерде,
Пуырсиренуын хъол ве дерде.

Гофе сер гуьрд гЭйб кешире,
Охиш эз дуль вокошире.
У гоф мисохд, чуын тэхсиркор,
Гъер гоф мисохд э ме сэхд кор.
Бирден поисд, песьде гуфди:
«Туль, балай ме, мере гоф ди,
Эз гоффгой мэ бейкеф нисдгэ
Ве мере ёд нихуниге?
Э сурогъ туль омбор гешдем,
Газетгъоре хуб фегъм сохдем.
Эз товун туль эхир хундум,
Эз гъинор туль шори сохдум.
Имугъойле оффдем тууре,
Воисд пиш сох туль бебе.
Э пушой туль миофдонум,
Туль вегуурдэй эз мэ ондум.
Менуым бебе изму гъэмлүү.
Тек-тэхъююм пушой муурде,
Кес нисд митош эй вегуурде».

Езугъ омо мере омбор.
Фикиргъой мэ бисдо чен бор.
Эз гъул бебе гъоня гуурдуум,
Э пой уре вэхизундум.
Бугеш мере келе сабуур,
Сульфдеи бо мэ э гүймур,
Гуфдируум гоф шох э сифет:
— Чуытам хунде мере ферзенд?
Мере дошди Ватан Совет,
Ме гъисдуум кук келе кифлет.
Туль бебеи, энжэгъ бебе...
Туль венорей э мэ лербе,

Ү лербе нисд эн вэхд довгю
Ее дирэмгъо чединигъо.
Ү лербере, бебе, э дуыл
Тувенорей эй согъ гүумуур.
Имугьюйле э пире вэхд,
Ме герекуым бебере сэхд.
Нэг!!.. Нисохум э тув езугъ.
Бебс! Гуит э кук буйругъ!

МОЗОЛЛУҮЕ ДУХДЕР

Духдер дөгъум,
 ме кеширем дерд-гІэзоб,
Тегъер эн гъуш
 э гъэд гъэфес дорем тоб,
Ме лол бибуыл, ихдиёрсуыз эй жугъоб,
Пушотегъо гъисмет духдер бу гъечи.

Бебе-дедеш дерд михундут эришу,
Тозе гІэил духдериге бу пешму,
Эвлод нихунд делинере эришу,
Пушотегъо гъисмет духдер бу гъечи.

Мигуфдурут пис гүнжуюсде э духдер
Бурав хуну, дананию бу зевер.
 Мигъишд уре эз кор гІульом
 бейхэбер.

Пушотегъо гъисмет духдер бу гъечи.

Гоф духдере буёгъ нигъурд келете,
Нидануусдуыт
 гъэдуур дусди мұғыбете,
Нивотову соки ишу гъирьете,
Пушотегъо гъисмет духдер бу гъечи.

Мигуйге эри парче бу совдо,
Мифурухдут духдергъоре, мивосдо,
Рази бибуыт дурыуҗде пул қи мидо,
Пушотегъо гъисмет духдер бу гъечи.

Нипу́рсиру́т рази́менди духде́ре,
Минкин небу вину́ ёбо доморе,
Огы́л буге пул омборте восдоре,
Пушоте́гъ гы́смет духдер бу гьечи.

Нивиниругът екиш чумгъой Гээрсире,
Тегъер лигъоб мигъишд перде кешире,
Мигуиге эдей берде есире,
Пушотегъо гъисмет духлер бу гъечи.

**Эй екигъо имбуруз бу гЭрүьси:
Гогъ сес гъовол.**

Гогъ сес ошугъ въ саин.

Энэгээс гэрийн дурдимонд бу бирави
Пушотегээ гъисмет дүхлэр бу гъечи.

Сөгъэ гүймүр э зир кели ве тевер,
Э зир эн мурс ве серкуши эн шуввер
Мидомундим лов заруыжи, жон хэгъер,
Пушотегъо гынмет духдэр бу гъеци

Темиң бисел

авт ви гърбо сеят барда

Эз анр эж мульс

хилос бирн гъони зеп.

Дие нибу лов заруынжи, дердименде,
Мозоллүнни гъысмет дүхдер э жаңыр.

Нисд сенигээт гьони зэнгьо не хунде,
Э гьер коргьо гьинормеиди бурмунде,

**Гульишоне зинdegуни вокурде,
Мозоллууни гъисмет духдер э и девр.**

**Тегъер деде шолумире хосдени,
Тегъер духдер дусдире сэхд дошдени,
Тегъер эвлод Ватане у хосдени,
Мозоллууни гъисмет духдер э и девр.**

ГЭИЛГЬОЙ СОВЕТИ

Xуше рузгьой мозолменди,
Рэхь хундэй — эгъульменди
Дори Октябрь эвлодгьоре,
Балагьой эн Ленинире.

Эз гээли тэ келен,
Эри бире верзирени,
Э түү, Ватан ве Партия,—
Эн гъеммейму ини войге.

Хуше рузгьо, хосе мутьбет...
Зиёдтегьош гысдим гузет.
Мивокуним дигьбон, шегъер...
Метлеб иму мибу бегъем.

ШЕКУҮЛ БЕБЕ

Мигъревуне чумгъой деде
Эз сер те пой эн кук хувьшде,
Денишире хуб фегъм сохде,
Гуйге дири уре суъфде.

Э дэгдэгчийн эн жайлсан,
Э пушой ю оморени,
Чультам шульвер гЭэлире
Чульекуым сал фуырсориаге

Деде-хэгье, ширине ёр,
Еси бирүйт, чумгъошуш тор.
Гуйге думон шиширебу,
Ковре асму веди небу.

Э дуыл гъемме дебу шивен.
Эн ки бу кук, эн ки шульвер.
Гъэл мигуурдуут, моч мисохдут:
«Шор vogордош»: — мигуфдируут.

Домор биреш е сал небу,
Гыч звлоде не диребу.
У сал бири кук эз деде,
Недири у гъужогъ бебе.

Тегер чендгъо, э келе женг
Дуышменгъоре дори у мерг.
Э гъэд гЭтош уш домунди,
Эри Ватан хун рихунди.

Бисд сал гүймур жованире
У бэхшири кук хувшдере.
Келе сохде веровунди,
Гыч хлижрони нө бурмууди.

— Эйчуй бирей гъэргъ туль, дедей?
Негем мере сувфде дирей?
Гъэрд эвлоди эри рафде,
Гъэлхэнд Ватан эй поисде.

Дуул эн деде бисдо гурунд,
Похли-похли у гээрс рихунд.
Кук диренге хъол дедере,
Сер гуурдени эй дуул доре.

— Мегирис туль, гырке месох.
Шовгий мере туль гъобул сох:
Верзирени э жофой туль
Миведиром, бош имидлүү.

— Ме сохденүүм э туль бовор.
Дуул дедере сохш туль шор!
Бура гээиз, шекуул бебе!
Тулыни эзууш жован гъеле.

Войгей деде энжэгъ уни:
Э и гүйлом бу шолуми..
Чуын туынгъю, гээиз деде,
Нике рузгъю винуут гене.

ТЭХЬНОЕ СУМУРГЬУШ

Гчанетгэй хуындерे лов сохде
сумургъуш,
Э тегъер эн нештер бургани эвире.
Чуыниге у гешде, нибисдо гыич
хомуш,
Э сер догъ нен више согъэ руз
пар зере.

Е чандбо ме сохдем у гъуше
синемиш,
У жевлон зереки фегъм мисохд
гъер лоре.
Эз тэхъно биреи белкем гыисд
у ёхмиш
Ве гъэрол негуьрде гешдени гъоворе.

Эхирки сумургъуш бирени селт
хэсде,
Пардушгэй хуышдере гъееки
фушенде.
Гуьмуриш тэхънои эй эну пучини.
Э тегъер сумургъуш, инсониш
гъечуни.

ГІЭРУЬС УРУСИ

Дедей мисохд гузет куке,
Мишуморд у руз-сэгІэте,
Кей мерасуь хундеире,
Мивегуъру аттестате.

Оммо кукиш верасденге,
Эри хувьшде сохд ю фикир.
Эй вегуърде сенигІэте.
Бурав ауте, небире дир.

— дуъл дедей дебу мирод.
Эз кук пэжьни у дошдембу,
Воисдембу теке эвлод,
Эз ю дис журо небу.

Бирден е руз нике хэбер.
До э дедей, шори сохде:
— Эри бире ме инженер,
Рафденинуым эри хунде.

Гъеми шори, гъеми гъиркс,
Мисохд дедей шиниренге,
Гъэл гуърд, моч сохд кук
хувьшдерс,
Де гоф не офф эй гуфдире.

Вэхд гирошд зу. Се сал бисдо.
Е руз когъоз омо эзу,

Е дэгьбore вегуьрд гъэдо,
Рафд эй хунде э гъуниши ау.

Бэгъдовой эн е ченд гоффю,
Нувуульсигю эри деде,
Духдер гъуниши лэгжэ гьово,
Гүйге бисдо зугъун гуьрде.

Зениш мэхътэл бисдо бирден,
Эз некуми чуь бисдо бу?
Эз же омо инжо садан?
— Чуь нувуульси э когъоз у?

«...Хундэире верасдэнгэ,
Ниём тэхъно руе хуне.
Делей, мере гынди войнэ:
Инжо эдем зен хосде ме».

Дуль эн дэдэй бирени хуьрд.
Дедэй бисдо дерди-ёси,
Эз гүльомийш у лес вегуьрд.
Кук нисоху де гэрүүси.

Герме рузгьюй гъеминси бу.
Чемодане э дес гуьрде.
Е духделе оморебу,
Гэйбе-гэйб у дере куфле.

И келе зен дэрэ вокурд.
Духдериш до э у когъоз,
Э кин гъуниши гене у хунд,
Песдэ вогошд э уревоз.

— Егїни и гысцд вокурдегор,—
Э сер венгесц духдер
Гъуниши. —

Инженери мисоху кор,
Вонсдени бу кирочи.

Эй ехмиши дульвероуи,
Хысоб сохде, рази бисдо.
Ве екиге э у товун.
Когъоз куки э дес дэгъе.

Гирошденуыт рузгъо, мегъю,
Шиножденуыт дуль екире.
— Мереш гысади туъре хуно
Э Саратов пире деде.

Эгер сувфде кемикъди бер
Сохдембуғе э у деде,
Синемишиш мисохд омбор,
Песде дуыл динж бисдо деде.

Гоф нигуфди де зиёди.
Омбор мигуърд хъуърмет зене.
Кор хунереш у мигани,
«Мама» уре огол мизе.

Дедей мисохд эзу шари
Ве мигуфди эри хуьшде:
«Миомоге кук ме зури,
Нигъишдум гыч кесе хосде».

Омо уруз. Кукиш вогошд,
Мивинуъ зен кук тэхьнои,
Эз дуыл деде шори гирошд
Кук э гъечи омореи.

Сабуър сохде, песде пульси:
— Эхи кук ме туль зен хосдей,
Гуйге юш бу зен уруси,
Песг туль уре не овурдэй?

Э ловгъой кук верафд хэндэ.
Делере у сэхд гъэл гуурда.
— У омори эз ме зуте,
Ини гэрүүс э хунс де.

— Шори мере нисди гъэдер!..
Эз дуыли ме гъисди гэрүүс.
Гердойт ишму деш бэхдевер!..
У жун мени, духдер урус.

ПЕШМУНИ

Эгэили недан бирүм,
Э гъэвл гүулом недебирүм
Ве э гъэдуур бебе-деде
Недебирүм уаэхд гъеле.

Сммо угъо шев те себэхь
Зри эвлод бирульт чумрэхь
Шевгъо ховсууз кем нимундут,
Хэсде бире эз дерд-думут.

Имугъойле келе бирэм,
Э метлебгъош ме расирэм.
Кеширенуум ме пешмуни,
Эйчуй нисдумум гээл гъони,

Бошум кумег бебе-деде,
Зевер гуьруум ме хъуьрметэ?
Эжит ишму, бебе-деде,
Богордунум гъэрд эвлоде!?..

НЕСИГІЭТ ДЕДЕ

Дануысденуым түй,
кук ме, гынед гіэзизи.
Дедей миёэ эз эвлод бу сэхд рази.
Игид Ватан кук бисдоге гынед мозол,
Хурде шириш э түй мибу ниш-хъэлол.

Тейте туыре келе сохде дүлл деде
Михосд лово: невинни дерд, довгло де.
Дан түй гъэдуыр шолумире имбурууз,
Хэлгъгъю дие небу дердлув, серэгъуз.

Э гіульмуыр түй бисди зиёд расирей.
Руй бебере түй, гіэил ме, недирей.
Согъ могошдге мидо туыре несигіэт.
Дедей норе эри түй рэхь исэгіэт.

Тегъер дедей, ширдор бала Ватани.
Гынч вэхд эзу журо бире нидани.
У глем гъувот, гъеми эшгъи эй игид.
Э гъер женггъю э Ватан бош түй имид.

Дануысденуым түй,
кук ме, гынед гіэзизи.
Дедей миёэ эз эвлод бу сэхд рази.
Игид Ватан кук бисдоге гынед мозол,
Хурде шириш э түй мибу ниш-хъэлол.

Духдер догъум, войгелуным,
Түре, гъуш догъ, сэхд хосденуын,
Э дургъо туль гъэнет зоре,
Бер унжиге мульгъбет мере.

Бисдориге туль э серхъэд,
Ватане эй дошде гъэлхэнд,
Мибу кумег мульгъбет дусди.
Эй туль, игид Ватан — расди.

Енебуге зоре гъугъэр,
Жэхьди сохде эри бөгье,
Э унжигеш мульгъбет иму,
Хъзвес мидуль, кумег мибу.

Э гъержониш туль бисдори,
Дан, севгили, түре ёри,
Түнни войгей дуль духдери,
Э и ватан бэхдевери.



О, ДЕДЕЙ

О, дедей, тегъер суврх э пембе,
Э гъечу мидошди ферзенде.
Кеме шев туть ховсуз не мундей,
Те себэхь ненуйгъо ту~~х~~ хундей.

О, дедей, бири вэхд четики,
Э хувьше хорундей хъижрони.
Имуре не гъишдэй туть гисно.
Мидошди э герми эн синэ.

О, дедей, серлеш дөрд мидэгэ,
Э хъэлов нечогъя мцофлоге,
Хувьшдере э гъер ло-мизери,
Чоресох баларе миверзири.

«О, дедей!» — кийихо гүфдирг,
Э дульлю е гоффич оморс.
Лап омбор гешлендүйт дедере,
Бокурде, бэхш сохут дерлгье.

О, дедей, чанд эвлод туть гъишдэй,
Гыеммере э е чум туть дошдэй.
Несг эйчүү балагъо имбуруз,
Кимигъоб э шир туть нисдүйт дуз?..

НЕНУЙ-НЕНЭМ...

Ненуй, ненуй ненем-ненуй...
Хис, гээзэг балай деде.
Бош зу келе, веро хушбуй,
Хис туль шириин, чум сэхд сохде.

Шаргъой дерьёгь, беде кулок,
Зуте бошиг ишму сокит.
Мэнглүүэ шев — астарепок,
Ишмуш гъони гъэрэулит.

Паандегьо жив-жив зере,
Эй туль элэг мэгийн хунде.
Төгөльгөөн гэвч бире,
Туль миварай деш бульгуудаа.

Дедей хосле боши жоборд,
Вини ики биёвтгьоре.
Ини эри дедей мирод:
Бинув хушруй балагьоре.

Ненуй, ненуй, ненем-ненуй...
Хис, гээзэг балай деде.
Бош зу келе, веро хушбуй,
Хис туль шириин, чум сэхд сохде.

МОЗОЛЛУҮЕ ГЫСМЕТ

Немунди э ёр чуь вәхд бу,
Диреймгъо екире гъердүйму.
Глэйбе-глэйб мигуърди гъул мере,
Теклифиш мисоходи чендборе.

Кими вәхд сохдеки түү гузет,
Э тегъер гъэрэул эн сөрхъэд,
Гъе гешде михунди түү мэгіни,
Гуш дошде поисдем меш изхини.

Егиле э хүшде домунде,
Дес мере түү пеңде шувунде,
Түү бирден гүфдири шоре лов:
«И гысмет сад салгъо мидүү тов».

...Омборе салгъоши гирошдет,
Э сифет жилгъэгъош оффорет.
Гене түү э тегъер пушоте,
Эри ме дошдени мульгъбете.

СОЙМИШИ

Ме шор бирем туть оморей гуфдире
Эйчуь гъечи зу вогошде, соймиши?
Еровурди эдем доре дувъл мере,
Дерде зиёд месох гъони, соймиши.

Эйчуь гъишде мере дерд-гъэм кешире,
Шевгю-рузгю э фикиргю пичире,
Гъер гоф туыре чуын дерд э дувъл вечире,
Негъогъ месох гъисмете дур, соймиши.

Дануьеденуым мульгъбет гъер важд гъэзаби,
Дувъл ме эй тут де нисоху битоби.
Ногошдигеш, ме мигуюм тут ёди.
Де сур мереш э тут нидуым, соймиши.

ДУҮЛ МЕРЕ Э ГОФ ОВУРДИ

Мэгініре э гъечу түү хунди,
Дуыл мереш түү э гоф овурди.
Биругым ме бейхәбәр ээ мұғыбет,
Э дуыл меш пәхъни бу у ниет.

Имугъой оффорем э думит,
(Эй эну мере гіэйб месохит).
Кими вәхд дуылпесо бирснүүм,
Дусде мө зу дире хосденүүм.

Ненжерө гъони гъисід вохурде.
Дуыл хосде руй э руй вохурде.
Сес мәгіни омоге ээ дури,
Мигуюм севгили омори.

ЭШГЬ ЭН МУЬГЬБЕТ

Э дей сухде э дуyl гэтош,
Нисе бире дие ёвош.
Уре мульбет дегесунди,
Э и холниш у расунди.

Учмиш бире, тэгьеr серсон,
Вир бирени сабуыр инсон.
Э сер догъгьо, е э дере
Эдем жесде, гъэнэт зере.

Расде дусди — уни мульбет.
Небислогеш белком гъисмет,
Энжэгь бесде, сэхде имнд
Ве жент беруь, тэгьеr игид.

БИЁ, ДУСД, БЕЙХЭБЕР ДЕР ВОКУ

Э ховиши нис гьишде мере динж,
Муъгъбет ю сер мере сохди гиж.
Бурмунде хьушдере, бири дур,
Э рэхъ ю домунди битев жун.

Увэхди оффорум э фикир
Ве сохдум хульшдере ме селт вир.
Бэгъдовой хушбэхде руз васал
Гирошди имогъой дуз дуль сал.

Чумерэхъ, гуазетум севгила.
Хосденум ме уре эй дире.
Погонгъо э пардуш чаруслде,
Зу пар зе, эз дургъо шаруслде.

Биё, дусл, бейхэбер дер воку,
Шоре лов тув э ме дуль гоф гу:
«Васали..., чуын гульгъой энүним,
Хушбэхди екире хосденим».

Увэхди ме пэхъни мидорум,
Гирошде дердгъореш ингуюм.
Эжигей энугъо десдэй гуль
Севгили ве дусде ме мидуум.

ТУРЫЕ ДИРЕНГЕ

Битмишигъо согъ зимишду
Герме рузе гузет сохде.
Эз еки дур бирейм изму,
Турье дире дуыл ме хосде.

Миёв у руз герми — хуьром,
Битмишигъо хъээз мисохут.
Мерен мирод гынед э гүйлом,
Дуылгъой дусди зу вохурут.

Дириритге: боромей гуыл
Суьфде бире гюжиз, сергъуз.
У гэйбе-гэйб, эз гъэд энгуыл,
Велг лов сохде, бирени дуз.

Тегъер гуыл богъ, э шоре руз,
Руе еки вохурденге.
Нипоюм ме гыч серэгъуз,
Турье дуылшор ме диренге.

ДУСДЕ ДИРЕ, ДУҮЛ МИВЕРОВ

Сер эн шев бу, веромо менг.
Сине эй дуыл гүйге бу тенг.
Астарағьош мидорут шевгъ.
ТэгІди мисохд дуыл ме энжөгъ.

Ү тэгІдиреш гысди войге,
Эзу хэбер нибу менге.
Сэхд гузетум, дусд ме миёв,
Үре дире дуыл ме меров.

... Гирошдетгеш салгъо омбор,
Үгъюш, тегъер эн рэхыгирор,
Эз дусди дуыл байхэберуыт
Ве тегъер менг, чуын шогъидуыт.

ДУХДИР — ДУСД МЕ

Тегъер гуаги, палаше глов,
Чультам сое бурмундеге,
Оморембу гъер шев э хов,
Чигърет эн ёр э пушой ме.

Шеш сал түре гузет сохдем.
Вогошдай түй гъони, духдер,
Ниет дусди э дуыл дошдем,
Түре ээ мэ нисди хэбер.

Сенигэт түй духдирини,
Эй нечогъгьо сохде чоре,
Чультам очугъ гуюм гъони,
Э дуыл дэгъо войгей мере,

Эй оморе мэ э кин түй,
Де вогънейгэ нисди мере.
Мэ жовануым ве гъем жонлуу,
Эй дуыл дусди сох түй чоре.

ВАСАЛ Э ДОГЪГЬО

Тегъер гульзел гульзелгьо,
Геймиш тегъер гIэрусьгьо,
Сес юш тегъер дурнагьо, —
Гъечи васал оморе,
Догълувьгьоре эшгъ доре.

Эз гъер тараф эн догъгьо
Пур риходенуыт чойлегьо,
Рачуыт сес шэх-шэхэгьо,—
Гъечи васал оморе,
Догълувьгьоре эшгъ доре.

Жовонгьойму рак гъуше
Эдэг хунде, вежесде,
Гульгьоши э дес ченд десде, —
Ини васал омори,
Догълувьгьоре эшгъ доре.

ЗИМИСДУ НЕ ВАСАЛ

Зимисду, сэхд гъэгър вечире,
Бесдебу рэхь эн васале.
Тегъер бурме тик пичире,
Вэхуьшдебу кулок-зуыгIбе.

Хъуьрш зимисду кем-кем поисд,
ЗуыгIбей кулок хомуш бисдо.
Хъэл бисдо верф, хиникиш нисд.
Асму очугъ, вокурд оффо.

Эжигей верф гуьлгъой доргъо
Сипре ранге гъобул сохдут.
Беде дуьлгъо бирегоргъо
Э зимисду ухшешинуьт.

ШОРИ ОДОМ

Сэхд бедхъол бу зен эн Одом,
Бердүйт уре зу э «роддом».
Одом сер гуьрд хъозурире,
Куке мило сохдеире.

Шори юре небу гъэдер,
Килэхъ Одом верафд зевер.
Тозе кифлет, тозе кукле.
Гъэрол нигуьрд у э хуне.

Келе десдей гуъл восдоре,
Такси э зир у доноре,
Зури омо раси Одом
Э ён гъопуй эни роддом.

Хэгьергили эн зен Одом,
Духдер гъунши, бу э роддом,
Вохурде, сохд пушогири:
— Мере туль ди башореи.

— Зу бош ебо гу эри ме
Духдер бири, ненге кукле?
— Тефигэти инжо чуьни?
Бебе доро! Духдер бири.

Офдо гуългъо эз дес эну,
Бисдо Одом келе пешму,

Гоф не офф ю чув гуюгэ:
— Миёри тув чуыш гъисдигэ!..

Екем рафде, вогошд гене.
«Тэхьно нирам ме э хуне,
Миберум зен не духдере,
Гъеле мибу кук имуре».

ЭРИ ПОЧТАЛЬОН

Дуре хэбер, нике хэбер,
Е эз дигьбон, е эз шегъер,
Овурдени эри инсон,
Дервокуйму, почтальон.

Севгили ме э дур гьисди,
Те оморе когъоз дусди,
Мибисдорум ме нигоре,
Почтальон те оморе.

Э душ пуре тогъор вери,
Мидирумге у омори,
Те гъопуре у вокурде,
Мирафдум куынд эй вохурде.

Тегъер сувгъде дусд ве мирос,
Овурдегор газет, когъоз
Гьисд эриму почтальон,
Хъэрмэхь эн пир ве эн ж:



СЕРНОМЕ

Догъисту	5
О, Ватан ме!	7
МэгІлумсувзэ солдат	9
ГІэзизе партия	10
ГІэзизе хори ме	11
Астарай ме	12
Келе рэхь	13
Войгей дуыл	14
«Э Вьетнам ве...»	15
Нис воисде мере дие	16
Учитель	17
Шегъер Ленин	19
ТэгІрифи девр	20
Э сер гъоврэгъой Пискарев	21
Инсонгъо	23
Э мовзолей Ленин	24
Девр ме	25
Эри Дербенд	27
Имуре воисдени шолуми	28
Комуне	29
Хэгъер	30
Игидгъой жофо	32
Жаборде зен	33
ГІэтлуй девр иму	34
Биренуыт бебегъо	35
Мозоллуе духдер	40
ГІэлгъой совети	43
Шекуыл бебе	44
Тэхъное сувмуыргъуш	46
ГІэрүсь уруси	47
Пешмуни	51
НесигІэт деде	52
«Духдер догъум...»	53
О, дедей	55
Ненуй ненем	56
Мозоллууе гъисмет	57
Соймиши	58
Дуыл мере э гоф овурди	59

Эшгъ эн мульбет	60
Бие дусд, бейхбер дер воку	61
Тульре диренге	62
Дусде дире	63
Духдир — дусд ме	64
Васал э догъгъо	65
Зимисду не васал	66
Шори Одом	67
Эри почтальон	69

Семендуева Зоя.

С 30 **Мозоллуюе духдер дөгъи.**

Махачкала, Дагкинигоиздат, 1971.
72 с. с порт.

Счастливая горянка

С (Тат)

Редактор С. Изгияев. Художествен. редактор Е. Омельченко. Тех. редактор М. Ханукаев. Корректор М. Ханукаев.

Сдано в набор 12/IV 1971 г. Подписано
в печать 10/VIII 1971 г. Форм. бум. № 1
70×90¹/₃₂ бум. л. 1,125. Печ. л. 2,25. Усл.
печ. л. 2,63. Уч.-изд. л. 1,815.

С 02940. Тираж 1000. Цена 19 к.

Дагестанское книжное издательство Управ-
ления по печати при Совете Министров
ДАССР, Махачкала, ул. Маркова, 55.
Зак. № 505.

Типография им. С. М. Кирова Управления
по печати при Совете Министров ДАССР,
Махачкала, ул. Маркова, 51.

Цена 19 коп.

НА ТАТСКОМ ЯЗЫКЕ

СЧАСТЛИВАЯ
ГОРЯНКА

